

# SERMON

#### DIXIESME.

Sur Hebr. XI. verset 11.12.

Par Foy aussi Sara recent vertu à concenoir semence & enfanta hors d'aage, pour ce qu'elle estima que celuy qui les luy anoit promis estoit sidele. Pourtant aussi d'un seul, voire mesme amorti, sont nés des gens en multitude comme les estoiles du Ciel, & comme le sablon qui est aurinage de la mer, lequel ne se peut nombrer.

Ovs lisons luges chapitre 4.

que quand Barach, ayant
à aller auec vne armée à l'encontre de Iabin Roy de Ca-

naan pour la deliurance du peuple d'Ifraël, eust dit à Debora la Prophetesse que sielle ne venoit auec luy, il n'iroit point, elle luy respondit qu'elle y iroit, mais qu'il n'auroit point d'hon-

d'honneur d'auoir pour compagne au combat vne femme. Il n'en est pas ainsi, mes Freres, de la guerre spirituelle que nous auons, non contre la chair & le sang, mais contre les malices spirituelles, & contre les conuoitises lesquelles guerroyent contre l'ame : En l'armée de cette guerre les femmes peuuent tenir des premiers rangs, & n'y a point de deshonneur aux plus grands personnages de les auoir euës pour compagnes de leurs combats & aides de leur victoire. Auffi puis qu'elles sont immediatement attaquées des ennemis, & que leur Foy & picté n'est pas moins mise à l'espreuue que celle des hommes ; il est raisonnable qu'elles paroissent en cette armée, & que Dieu aussi soit glorisié de la vertu de leur Foy. C'est pourquoy nostre Apostre nous propose icy les preuues de la Foy de Sara conioinctement à celle d'Abraham son mary; & nous represente la victoire qu'elle en obtint par la Foy. Ce qu'il fait à desfein, pour encourager les femmes des Hebreux à soustenir les combats des

400 Serm. X. De la vertude la Foy fouffrances aufquels elles estoyent appellées aucc leurs maris : car les Hebreux auoyent desia esté eschaffaudez deuant tous par opprobres & tribulations, & souffert le rauissement de leurs biens, & l'auoyent pris en iove. sçachans qu'ils auoyent vne meilleure cheuance és Cieux & qui est permanente; L'Apostre donc considerant que les femmes auoyent égale part à ces miseres, voire d'autant plus griefue que la tendresse du sexe estoit plus grande, leur monstre, afin qu'elles ne vinssent à deffaillir ou destourner leurs maris par des conseils de chair & de fang, que leur sexe a la gloire d'estre entre les exemples de Foy & magnanimité, desquels les Escritures Sainces font plus de cas.

Secondement l'Apostre a cette cosideration, que comme l'exemple d'Abraham auoit esté d'autant plus puissant qu'Abraham estant pere des Hebreux il tiroit consequence pour toute sa posterité, laquelle auoit esté obligee en luy à mesme Foy & pieté: ainsi les femines Israëlites, tenans Sara pour leur

## Sur Hebr. ch. 11. vers. 11. 12. 401

leur mere, estoyent obligees à l'imitation de sa Foy & pieté : selő que Sain& Pierre escrit aux femmes fideles qu'elles soyent filles de Sara en bien faisant. 1. Pierr. chap. 3. En troissesine lieu cét exemple de Sara monstroit que la vertu que l'Apôstre attribue à la Foy de faire subsister les choses qu'on espere, comme si elles estoyent desia presentes, n'auoit point esté particuliere à vn Abraham, ou àvn Enoch, ou à vn Noc, ains commune à tout sexe & à tous sideles; comme s'il disoit, Si ie ne vous ay allegué que les exemples d'Abel, Enoch , Noé & Abraham , n'estimez pas pourtant que ie n'en aye point d'autres, vous auez celuy de Sara, aussi bien que de son mary : entant qu'encor' qu'elle fust hors d'aage d'auoir enfans, elle contempla comme presente la lignée qui sortiroit de son corps amorti, & surmonta par Foy toutes les contrarietez & les apparences d'impossibilité qui se presentoyent à son esprit contre l'execution de la promesse de Dieu. Et il appert que tel est le sens de l'Apoltre, de ce qu'il ne dit pas simplement que par Foy Sara receut vertu à conceuoir semence: mais que par Foy aussi Sara mesme receut vertu, &c. pour monstrer qu'il ne separoit point Sara d'auec Abraham en vertu & sermeté de Foy.

Par Foy donc ausi (dit il) Sara mesme receut vertu à conceuoir semence & ensanta hors d'aage, pource qu'elle estima que celuy qui le luy auoit promis estoit sidelle: pourtant ausi d'un seul (voire mesme amorti) sont nez des gens en multitude, comme les Estoiles du Ciel, & comme les salon qui est auriuage de la mer, lequel ne se peut nombrer. En quoy nous auons à considerer deux choses. 1. La Foy de Sara.

2 Ses effects.

#### I. POINCT.

Au premier poinct il y 2 à considerer l'obiect de la Foy de Sara, d'autant qu'il semble que conceuoir semence & auoir lignée ne sont pas choses que la Foy doiue regarder, mais qu'ellene doit auoir pour obiect que choses Diuines

Sur Hebr.ch.11.ver [.11. 12. uines & celestes. Certes, mes Freres, la Foy a bien pour son principal obiect les choses du Royaume des Cieux, mais elle a aussi toutes les autres par dessus, entant que Dieu les promet: car la pieté a les promesses de la vie presente & de celle qui est à venir 1. Tim.4.Il faut donc que la foy reçoine les vnes& les autres; mais les vnes & les autres selon leur degré,& felon la maniere & mesure de la promesse: partant Dieu promettant à Sara qu'elle enfanteroit vn fils, la Foy de Sara receuoit cette promesse & attendoit ce bien-faict. Dieu ne se contente pas de preparer au Ciel à ses enfans vne pleine felicité, il veut icy-bas leur faire sauourer sa bonté en diuers bien-faits temporels & terriés, comme les fideles l'experimentent en diuerses occasions de leur vie. Mais est à remarquer que la vraye Foy receuant de Dieu les biens temporels, les rapporte a son obiect principal, & les prend comme effects & telinoignages de la grace & dilection par laquelle Dieu luy prepare des biens eternels : tout de mesme qu'vn enfant en receuant de son

404 Serm. X. De la vertude la Foy Pere vn don que le Pere fera aussi à quelques seruiteurs ou estrangers, regardera ce don comme effect de l'amour, par lequel son Pere l'aime en qualité de son enfant & heritier, encor que l'estranger qui reçoit le mesme don n'ait point de part à cette qualité. La Foy estant vne persuasion de la grace & dilection de Dieu, dont le principal effet est la vie eternelle, elle regarde cette grace & faueur de Dieu à vie eternelle à trauers tous les biens qu'elle reçoit de Dieu. Comme pour exemple, vous auez veu qu'Abraham à trauers la promesse de la Canaan terrienne & temporelle que Dieu luy donnoit en heritage, regardoit la dilection de Dieu par laquelle il luy preparoit la Canaan celeste, selon que l'Apostre a dit cy-dessus, qu'Abraham demeura par Foy comme estranger en la terre promise, pource qu'il attendoit la cité qui a fondement de laquelle Dieu est l'architecte & le bastisseur, & cy-apres l'Apostre dira de tous ces Peres qui auoyent receu les promesses de la terre de Canaan, qu'ils s'estimoyent es-

### Sur Hebr.ch.11.vers.11.12. 405

trangers & voyagers, & cerchoyent vn meilleur pays, à sçauoir le celeste. Et l'Apostre en allegue la raison, à sçauoir, que Dieu leur auoit preparé vne cité, n'ayant point pris à honte d'estre appellé leur Dieu : voulant dire que cette grace que Dieu nous a faicte en son alliance, d'estre nostre Dieu doit esleuer nos cœurs des biens temporels & terriens, à des biens celestes & spirituels, & que Dieu se communiquant à nous par des biens de ce siecle, nous veut faire regarder à l'amour par lequel il s'est donné à nous à vie & felicité eternelle. Et s'il faut examiner cette lignée temporelle, laquelle Sara regarda par foy, je ne doubte point qu'à trauers d'icelle Abraham & elle ne contemplassent la semence benite du Christ qui deuoit sortir de leurs reins : selon que Dieu auoit dit qu'en leur semence seroyent benites toutes les nations de la terre : & selon que Iesus Christ disoit aux Iuifs , Abraham vostre Pere a creu cette mienne iournée & l'a veuë & s'en est esiony. Mais neantmoins nostre Apostre ne considere icy la foy de Sara qu'au regard de l'obiect terrien & temporel; à sçauoir entant qu'estant hors d'aage elle receut vertu à conce-uoir semence.

En quoy contemplés l'efficace & vertu de la foy, surmontant par la persuasion de la verité de Dieu, tout ce que la raison humaine peut apperceuoir de difficultez & d'impossibilitez. Sara lors que Dieu luy promettoit qu'elle conceuroit, estoit aagée de nonante ans, & Abraham de cet, comme cela est expressemét remarqué Gen.17. où Dieu ayant dit à Abraham, quant à Sara ta femme, ie la beniray, & mesme to donneray un fils d'elle, & elle deniendra nations, & Roys des peuples sortirons d'elle: il est adjousté qu' Abraham tomba sur sa face & se soufrit, disant en son cœur; à scanoir si à un homme angê de cens ans pens naistre lignée, & que Sara aagée de 90. ans enfante: car il faut remarquer que s'il est escrit Gen. 5. qu'Adam & Eue à l'aage de 130. ans engendrerent leur fils Seth & d'autres enfans en suitte, & que Methusala à l'aage de 187. ans cn-

Sur Hebr. chap. 11. ver [. 11.12. 407 engendra Lamech & d'autres enfans, plusieurs siecles apres, cela n'auoit plus lieu du temps d'Abraham, puis que les hommes du premier monde, c'est à dire d'auparauant le deluge, viuoyent beaucoup plus que ceux du fecond. Car auant le deluge, ils viuoyent des huict & neuf cens ans,& pourtant auffi estoyent capables d'engendrer estans aagez de plusieurs centaines d'annees: Mais, depuis le deluge, la vie de l'homme fut grandement raccourcie; & nous en pouuons comme remarquer deux periodes, l'vne de ceux qui nasquirent depuis le deluge iusques au temps de Moyse, & l'autre depuis Moyfe iusques à present : depuis le deluge iusques à Moyse, entre lequel espace se trouuent Abraham & Sara, la vie des hommes, bien qu'elle tint encore quelque chose de sa premiere vigueur, n'atreignoit pas 200 ans. Car Abraham ne vescut que 175.ans, & Sara que 127. ans & si tous deux sont representez paruenus à vieillesse. L'autre periode semble auoir esté au temps de Moyse, & sur tout lors que Dieu, irrité contre la ge-

408 Serm.X. De la vertude la Foy neration des Israëlites qui estoyent sortis d'Egypte au dessus de l'aage de 20.ans voulut la faire mourir au desert en l'espace de 40. ans, pour introduire vn peuple nouueau en Canaan: car il semble qu'alors Dieu retrancha de la vie des hommes, & la reduisit à 70.& 80.ans, comme c'est principalement ce que traita Moyse au Pseaume 90. Nous sommes consumer par ton courroux, tu as mis deuant toy nos iniquitez, nos iours s'en wont par ta grande colere, & nous consumons nos annees comme une pensee; les jours de nos annees reuiennent à 70. ans, & s'il y en de vigoureux à 80. ans. En la periode donc, en laquelle viuoyent Abraham & Sara, ils estoyent incapables par la nature d'auoir lignee, l'vn à 100.& l'autre à 90. ans. Que si on obiecte qu'Abraham apres la mort de Sara a eu plusieurs enfans de Ketura, & partant que ce n'estoit pas merueille qu'il peust engendrer Isac de Sara: la response est que ce fut pource que la vertu surnaturelle qui luy sut donnee pour engendrer Isaac, lors que son corps estoit amorti de vieillesse, lui demeura

Sur Hebr.chap 11. v.rf. 1.12. 409 meura encor plusieurs années apres.

Or quant à Sara, jugez combien la raison naturelle repugnoit qu'à l'aage. de 90.ans, elle enfantast, veu que, mesme en la fleur de son aage & pendant tout le temps de sa vie, elle auoit esté sterile: comment donc celle qui pendant tout le temps de sa force n'auoit peu conceuoir, le pouvoit-elle estant paruenuë à la vieillesse? Voyez îcy, mes freres, la procedure que Dieu tient souvent à conferer ses bien-faicts à ses enfans; c'est qu'il leur faict rencontrer diuerses contrarietez à la chose qu'il promet, afin d'exercer leur foy. C'est la procedure qu'il tient enuers les enfans d'Israël en Egypte; Il leur promet deliurance de la seruitude en laquelle ils estoyent, & apres cela leur ioug s'aggraue & leur seruitude s'accroist, on ne leur donne plus de paille pour faire des briques, il faut qu'ils l'aillent cercher, & si on les oblige à faire mesme quantité de briques qu'auparauant. Veulent-ils fortir d'Egypte? les voyla enfermez entre la mer rouge & l'armee des Egyptiens, de sorte que leur deli410 Serm.X.De la vertu de la Foy urance paroissoit de plus en plus impossible. Dieu auoit promis à Ioseph qu'il seroit esseué par dessus tous ses freres, mais qu'arriue-il en suite? vn long espace de temps le contraire de tout cela: il est vendu esclaue par ses freres & presque mis à mort par eux, il est mené en Egypte, & là à sa seruitude est adiousté vn emprisonnement. Dieu ayant promis à Dauid par son Prophete Samuel la couronne d'Ifraël, voila en suitte des suites & bannissemens de Dauid; il faut qu'il se cache és cauernes,& qu'il sorte du Royaume d'Israël pour asseurer sa vie; tellement qu'il sembloit que la promesse de la couronne ne luy eust esté faite que pour luy apporter tout le contraire de ce qu'elle contenoit. Dieu veut ô fidelles que souvent vous parueniez aux choses par le chemin de leurs contraires: & cela a lieu au regard des choses celestes, il vous appelle à la felicité,& voila la Croix; il vous appelle à la gloire de son regne, & vous deuenez la balicure & la racleure du monde; il vous appelle à sa paix, & vous voila hais de

cous;

Sur Hebr.chap.11.verf.11.12. 411
tous; il vous appelle à la vie, & vous
voila dans la mort : il vous appelle à
fon Paradis, & voila les enfers comme
ouverts, le Diable & fes Anges defchainez contre vous. Venez donc icy
apprendre, Chrestiens, la procedure de
Dieu, afin de ne vous esbranler en l'attente des promesses de Dieu, pour aucune difficulté qui se presente à vos
veux.

Mais icy font les combats & la difficulté, s'agissant de renoncer à son iugement; & à tout ce qu'on a de lumiere: : car qui dit vn homme, dit vne creature qui examine les choses par les raisonnemens de la lumiere naturelle: Or la lumiere naturelle n'attend les effects que des causes secondes bié disposees; tout son jugement estant dans le rapport des effects à la naturo de leurs causes: car rien ne peut exceder sa vertu,& donner ce qu'il n'a pas, & encore moins produire son contraire. Adioustez que les sens attachent nostre raisonnement à ce qu'ils touchent & qu'ils voyent: ce qui accroist la difficulté & qui empesche de plus

412 Serm. X. De la vertu de la Foy en plus la foy. Quoy donc? direz-vous, la foy combat-elle la nature? destruitelle les Loix de la raison? Nullement, mais elle esseue la raison à la consideration d'vne cause surnaturelle, laquelle n'est point attachee aux causes secodes, mais peut produire toutes choses par vne vertu absoluë, & changer en vn moment l'estat des causes secondes: peut fortifier les choses foibles & affoiblir les fortes, dessecher l'humidité,& rendre sec ce qui est humide, illuminer les tenebres, hausser les choses basses, abbaisser les hautes, brefviusser ce qui estoit en la mort : elle contemple que Dieu a donné estre au neant & appelle les choses qui n'estoyent point comme si elles estoyent; que c'est luy qui a asseché les fleuues & les mers & a changé en source d'eaux les secs rochers; qu'il a applani les montagnes & a ressulcité les morts. C'est l'esgard qu'auoit Abraham en ce sujet de la promesse d'vn fils qu'il engendreroit de Sara, en la vieillesse de l'vn & de l'autre. Abraham, dit l'Apostre Rom.4. stant en Dieu, lequel fait viure les morts,

Sur Hebr.chap.11.vers.11.12. 413
& appelle les choses qui ne sont point comme si elles estoyent, & creut sous esperance, outre esperance, à ce qu'il deuinst pere de plusieurs nations, & n'estant pas debile en foy n'eut point esgard à son corps ia amorty, veu qu'il auoit ia enuiron cent ans, ny aussi à l'amortissement de la matrice de Sara: & ne sit point de doubte sur la promesse de Dieu par dessiance: mais sut sortissépar soy donnant gloire à Dieu, & sçachant certainement que celuy qui luy auoit promis estoit puissant dece faire.

Et ce furent les mesmes esgards qu'eut Sara, comme l'Apostre le represente en nostre texte par ces mots, elle estima que celuy qui le luy auoit promis estoit sidele. Elle esleua ses yeux au dessus de toute la vertu de la nature & des causes secondes, & considera que Dieu est au dessus de toutes. C'est cét essect de la foy que vous voyez en l'Eglise, au Pseaume 2. laquelle contemplant toutes les causes secondes contr'elle, les peuples bruyans & s'assemblans, & les Roys & Princes de la terre consultans, esseus seux au Ciel, disant, celuy qui

reside és Cieux s'enrira, l'Eternel se moc-

quera d'enx. & au Pseaume 123. l'esseuc mes yeux à toy qui demeures és Cieux: nostre aide est au nom de Dieu qui a fait le Ciel d'la terre. Et de fait, ô fidele, pourquoy est-ce que Dieu veut que tu rencontres des contrarietez, qu'asin que tu ayes occasion de contempler sa vertu, & t'arrester sur la meditation de sa puissance & bonté, asin que tu luy donnes toute la gloire des succez?

Or les vertus que Sara considera en Dieu sont comprises sous le mot de fidelité, lequel signifiant la verité & sincerité à tenir sa promesse, presuppose, selon le stile de l'Escriture saincte, la vertu pour l'executer: car, comme en l'Escriture saincte, les choses sont appellees fausses & mensongeres quand elles sont impuissantes à produire l'effect qu'on attendoit d'elles (auquel sens il est dir Pseaume 33. que le Cheuel est mensonge à deliurer: & Pseaume 62. que ce n'est que mensouge de grands Seigneurs) aussi à l'opposite la verité & fidelité emporte la puissance à produire l'effet qu'on attend de nous. Et c'est là le vray fondement de la foy, à sçauoir que Dicu

Dieu a le vouloir de nous bien faire & le pouuoir ; le vouloir paroist en sa promesse, le pouuoir en sa nature diuine: & l'vn & l'autre est exprimé par sa verité & fidelité, par laquelle il donne estre & accomplissement à tout ce qu'il a promis: & l'Apostre a desia cy dessus Chap. 10. donné ce fondement à la foy, difant, tenons la profession de nostre esperance sans varier, car celuy qui a promis est fidelle. C'estoit celuy que prenoit Dauid.Pfeau.36. Eternel, ta gratuité atteind iu qu'aux Cieux, & ta fidelité iufqu'aux nuës. Et Pfalm. 57. Dieu enuoyera sa gratuité & sa verité. Opposez doc, fideles, aux tenebres de vos doubtes la lumiere des vertus de Dieu, pour dire auec David Pfalm. 56. & 119. Ielouëray en l'Eternel sa parole:le principal point de Sa parole est verité; auec S. Paul, le scay à qui i'ay creu & sçay qu'il est puissant pour garder mon depost insques à cette iournee-14. 2. Tim.I.

Mais icy se rencontre quelque difficulté au faict, entant qu'au Liure de la Genese d'où cette Histoire est tirce, Sara se trouve auoir esté tancee de

### 416 Serm.X. De la vertu de la Foy

Dieu pour son incredulitéscar il est recité chapit. 18. que trois personnages s'estans presentez à Abraham en la plaine de Mamré, Abraham les ayant pressez de prendre quelque resection, l'vn d'eux, qui est là appellé l'Eternel, demanda à Abraham où estoit Sara, Abraham ayant respondu qu'elle estoit au Tabernacle, il dit ie ne faudray point de retourner à toy en ce mesme temps où nous sommes, & voicy Sara ta femme aura vn fils; or Sara qui escoutoit derriere l'huys du Tabernacle rit, disant en soy-mesine, enfanteray-ie veu que ie suis vieille, d'auantage mon Seigneur est vieil: & sur cela l'Eternel dit à Abraham, pourquey a ry Sara, difant, mais voirement enfanteray-ie, puis que ie suis deuenue vieille? y a-il quelque chose cachee à l'Eternel; & est dit que Sara le nia, difant, ie n'ay point ry: car elle eut peur:& que l'Eternel dit, Il n'est pas ainsi que tu dis, car tu as ry. Or puis que Sara fut tancee de ce ris, il falloit que ce ris fust non de simple ioye, mais de dessiance comme d'vn subjet impossible, & partant ridicule parson impossibilité. Que

Sur Heb.chap.11.vers.11.12. 417 sion respodque ce ris ne pouvoit estre blasmé pource qu'elle ne sçauoir pas que ces personnages fussent des Anges, encor moins que ce fust l'Eternel, mais que depuis qu'elle entendit que c'estoit l'Eternel, elle creut & acquiesça pleinement à la promesse; Cela ne fuffit pas: pource que ces paroles absolues, ie retourneray en cette faison, & voicy Sara aura un fils, monstroyent assez que celuy qui parloit de la sorre se tenoit pour vn Ange, ou pour Dieu luy mesme, promettant vne chose qui ne dependoit que de Dieu : & pource que Sara en niant d'auoir ry, monstra que sa conscience la redarguoit d'auoir conceu que celui qui parloit, estoit vn Ange ou Dieu mesme; aussi sans cela elle n'eust pas esté reprise par celuy qui est le scrutateur des cœurs. Que dirons-nous donc icy? nous dirons que la foy de Sara fut messee d'incredulité, comme la foy de celuy qui disoit à Iesus Christ en l'Euangile, le croy Sei-Marc 93 gneur , subuien à mon incredulité: Car y24. ayanten nous deux principes la chair & l'esprit, le sens & la foy, qui sont con-

418 Serm.X.De la vertu de la Foy traires l'vn à l'autre, nos bonnes conceptions & nos bonnes actions ont toussours quelque messange: En Sara doncques la chair & la raison humaine, laquelle ne comprend point ce qui surpasse la nature, d'vne part faisoit rire Sara, comme si son enfantement eust esté impossible & absurde; mais la consideration de la vertu infinie de Dieu & de la verité de sa promesse incitoit Sara à croire. C'est ce combat de ces principes que l'Apostre represente Gal.5. difant, la chair convoite contre l'efprit & l'esprit contre la chair, & ces choses Sont contraires l'une à l'autre, tellement que vous ne faites point ce que vous voudriks. Or Dieu ne nous impute point les desfauts que nous combattons, & ne iuge pas de nous selon le principe auquel nous resistons, mais selon celuy que nous taschons de faire preualoir. C'est pourquoy Iesus Christ reco gnoist S. Pierre pour fidele encore qu'il doutast, luy disant, pourquey as tu doubté homme de petite Foy. Mais icy considerons deux sortes de jugement ou deux manieres selon lesquelles Dieu iuge ďс

Sur Heb.chap.11. ver [.11.12. 419 demous & de nos œuures, l'vne est de la loy, & l'autre de la grace. La loy n'admet aucune œuure que parfaictement bonne & exempte de tout defaut; & partant par le jugement de la Loy Sara cust esté reiettee comme incredule : c'est pourquoy Dauid prie de n'estre pas examiné selon ce iugement, disant Psal. 143. Eternel n'entre point en iugement auec ton seruiteur, car nul viuant ne sera iustisié en ta presence: mais selon l'alliance de grace Dieu admet & accepte tout ce que les fideles font de bien, & passe par dessus leurs infirmitez; selon qu'il dit de ceux qui le craignent. Malach. 3. 11s seront miens, & ie leur pardonneray, comme un chascun pardonne à son fils qui le sert : Et Psal. 103. de telle compassion qu'un pere est esmeu enuers ses enfans, de telle compassion est esmeul'Eternel enners ceux qui le reuerent, car il sçait bien dequoy nous sommes faicts; autant que les Cieux sont esteués par dessus la terre sa gratuité est grande sur ceux qui le reuerent. C'est en cette alliance où Dieu declare qu'il n'esteind point le lumignon fumant & ne brise

420 Serm.X.De la vertu de la Foy point le roseau cassé, & où la foy de la quantité d'vn grain de moustarde est acceptee. C'est icy où Dieu se dit le Berger qui bande la iambe rompue de la brebis,& charge fur foy celle qui est debile. C'est pourquoy quand S. Paul veut Rom.4. que nous receuions celuy qui est debile en foy, c'est à l'imitation de la charité de Dieu, laquelle il exprime en disant, que Dien a pris ce debile à soy, & le repute pour son seruiteur. Esiouyssez-vous, fideles, de cette si fauorable alliance en laquelle vous passez pour irreprehensibles moyennant la syncerité de vostre soy & repentance, & en laquelle vos vertus sont recognuës & Îoüees, & vos pechez cachez: & regardez-en la preuue en ce texte, où la foy de Sara est louée & exaltee, ses deffauts couverts & point mentiónez.Regardez-en vne semblable preuue en l'histoire de lob, où sur la fin, Dieu loue son seruiteur de sa foy & patience, & declare qu'il n'a point peché contre luy, encore qu'au commencement soit recité le murmure auquel il s'eschapa à l'encontre de Dieu, Dieu cachant

Sur Hebr.ch.11. vers.11.12.

bonté. Soyez imitateurs de cette charité de Dieu, fideles, agreés & estimez ce que vos prochains ont de vertu, manisestez-le & le loüez en taisant leurs dessauts & les cachant & couurant de vostre charité: C'est le charactere de vostre Pere celeste, au lieu que celuy du monde & de l'enuie & mesdisance est, tout au rebours, de descouurir & manisestere & blasmer les dessauts du prochain, & cacher, ou extenuer ce qu'il a de bon & de louable. Et voila quant à la soy de Sara, voyez maintenant son esse charité en cette de louable.

#### IL POINCT.

Par foy, dit l'Apostre, Sara recent vertu à conceueir seméce & enfanta hors d'auge, pourtant aussi d'un seul, voire mesmes amorty sont nez des gens en multitude, come les estoiles du Ciel & le sablo de la mer. Esquelles paroles nous auons à remarquer trois choses, la premiere l'efficace de la foy: 2. la sagesse & vertu de Dieu: & la 3. le mystere de ces choses. A22 Serm. X. De la vertu de la Foy le di premierement l'efficace de la foy, l'Apostre disant, que Sara par elle receut la vertu à conceuoir. C'est que la Foy est comme l'organe & la main de laquelle nous receuons les biens de Dieu; c'est à dire est vne condition pour les obtenir : Et ainsi Iesus Christ disoit à la femme guerie du flux de fang, que sa foy l'auoit sauuée ou guerie de son fleau, Marc. 5. & là mesme Iesus Christ dit au principal de la Synagogue, auquel on rapportoit que fa petite fille estoit desia morte, Ne crains point, croy seulement; toutes choses sont posibles aux Croyans, Marc. 9.11. Ce qui est vn effect signalé de la bonté de Dieu d'estre enclin à se communiquer à nous auec tous ses biens, moyennant que nous luy facions l'honneur d'estre persuadez de sa verm & bonne volonté : aussi n'estoit-il nullement raisonnable qu'il espandist ses biens fur celuy qui luy feroit l'iniure de doubter de sa bonté & puissance. C'est pourquoy toutes les promesses de Dieu (hors celle qu'il a faicte à ses esseus de leur donner la foy) presupposent la foy pour

Sur Hebr.ch. 11.ver [.11.12. 423 pour condition, ne pouuans estre accomplies autrement. C'est pourquoy l'Escriture saincte attribuë à la foy tous biens tant spirituels & celestes, que temporels & terriens; Aussi est attribué à la foy de viuisier les ames & purisier les cœurs. La promesse de l'Esprit de fanctification se reçoit par la foy, se-lon que le dit l'Apostre, Gal. 3. & c'est la foy qui obtient que Iesus Christ nous ressure en gloire selon qu'il dit, Ican 6. Qui croit en moy a vie eternelle, & ie le ressusciteray au dernier iour. C'est la foy qui nous deliure des dangers de cette vie : car ceux qui se fient en l'Eternel sont comme la Montagne de Sion laquelle ne peut estre esbranslée, mais se maintient à tous iours Pseaume 125. & Dauid disoit, Pscau. 27. n'eust esté que i'ay creu que ie verrois les bies de Dien en la terre des viuans c'estoit fait de moy. Et remarquez ce mot de Recenoir : Par foy Sara reçent vertu, afin que vous appreniez que la Foy interuient en tous les biens de Dien comme receuant, & que de là yous recognoissiez en passant com-Dd 4

# 424 Serm. X. De la vertu de la Foy

ment la foy justifie; à sçauoir entant que Dieu fait don de la justice de lesus Christ & de la remission des pechez en son sang à cèluy qui croit. Et de là vient qu'il est dit que la soy est imputée à justice; à sçauoir pource que nous receuons par la soy la justice de lesus Christ & la remission des pechez en son sang, & en vn mot, que Dieu sait don à l'homme de ce qu'il croit.

Ie dy secondement, qu'il faut confiderer icy la sagesse & vertu de Dieu, en ce que d'vn feul, voire mesme amerty, il fait naistre des multitudes telles que celles des Estoiles du Ciel & du sablon de la mer : Où remarquez 3. choses; l'vne que Dieu se plaist à surmonter la nature en faueur de ses enfans: il ne se contente pas d'agir pour eux par le cours & la vertu ordinaire des causes secondes, il veut agir extraordinairement, afin qu'on die entre les nations, Dieu fait merueilles à ceuxcy. Il veut faire passer ses enfans à sec au trauers de la mer rouge & du fleuve Iordain: 'Il les veut nourrir d'un pain qui

Sur Hebr.ch 11.vers.11.2.

425

qui venoit des nuës, & changer les rochers en source d'eau pour les abreuuer en vn desert. Il veut faire choir au son des cornets de ses Sacrificateurs les murailles de Ierico, & voulut du Ciel mesme combatre par pierres &

grelles les Cananeens.

L'autre chose est que Dieu se plaist à faire choses grandes de petits & contemptibles commencemens, il s'est pleu à tirer d'vn seul homme le premier monde : de Noé & sa famille tout le fecond, & d'vn feul Abraham, toute la nation des Ifraëlites : & de peu de personnes Chrestiennes qui furent au commencement en Ierusalem, il voulut tirer la multitude des Chrestiens qui remplit l'Vniuers : Aussi en la nature il se plaist à faire d'vne petite semence des grands arbres, & d'vn grain en faire croistre 30.60.100. Et en la grace d'vn seul Iesus Christ il veut tirer & faire naistre par l'esprit de regeneration toute la multitude des esleus.

La troisiesme chose est que Dieu ne se plaist pas seulement à faire des cho-

# 426 Serm. X.De la vertu de la Foy

singular des petits commencemens impropres & sans vertu, & qui sont comme choses mortes & comme le neant. Il ne veut pas seulement tirer les milliers d'Israël d'vn seul Abraham, mais d'vn Abraham amorty: Il veut faire sourdre la longue lignee des Roys de Iuda d'vn Dauid reietté & comme amorty par miseres & persecutions, & tout ce grand Vniuers il a voulu le tirer du neant.

Ie dy finalement, qu'il nous faut cosiderer le mystere des choses de nostre texte. Car encore que la promesse faicte à Abraham de la multitude de sa semence ait esté accoplie en sa posterité charnelle, laquelle si vous la considerez en son tout, (toutes ses generations comprises) a esté innombrable aux hommes, de mesme que les estoiles du Ciel ne peuvent estre contees ny le sablon de la mer: (car la comparaison ne consiste sinon en l'impossibilité de nombrer ces choses.) L'Apostre nous mostre Romains quatriesme, que ce grand nombre d'enfans d'Abraham . . .

Sur Hebr.ch. 11. ver [.11 12. 427 braham se considere au grand nombre des croyans par la vocation des gentils ; & de mesme en l'Epistre aux Galates. Nous disons donc premierement que le corps amorti d'Abraham receuant la vie pour estre l'origine d'vn grand peuple a esté le type & la figure de Iesus Christ mortifié en chair, lequel ayant esté viuisié par l'Esprit, a esté l'origine de la vie de tous fideles tant des Juifs que des Gentils en toutes nations. Secondement que la Foy dont Abraham regarda la vertu de Dieu qui peut resusciter des morts, luy ayant esté allouée à Iustice, a esté le type de celle par laquelle nous croyons en celuy qui a refluscité Iesus Christ des morts:felon que l'Apostre ditRomains quatriesme que ce qui a esté escrit de la Foy qu'Abraham eut en Dieu qui refluscite des morts, & laquelle lui fut imputée à justice, n'a pas esté escrit seulement pour luy, mais ausi pour nous ausquels ausiil sera alloue, à scanoir, ditil, a nous qui croyons en celuy qui a ressuscité des morts Iesus Christ nostre Seigneur.

### 428 Serm. X. De la vertude la Foy III. Que la matrice morte de Sara receuant vie & vertu par la foy pour conceuoir Isaac, a est le type de l'ame, laquelle estant morte en ses fautes & pechez, & venant à croire Iesus Christ reçoit la vie, porte fruicts de Iustice, & conçoit & forme en soy le nouuel homme qui est creéselon Dieu en justice & vraye saincteté; à raison dequoy l'Escriture nous dit que lesus Christ est formé en nous & qu'il habite en nos cœurs par Foy: & que com me Isaac ne nasquit point à Abraham & à Sara de leurs forces naturelles: mais d'une vertu surnaturelle, & ainse qu'en parle l'Apostre Gal. 4. selon l'espris: Aussi ce que le nouuel homme est formé dedans nous, & ce que nous fommes convertis & engendrez 2 Dieu, n'est nullement des forces du franc arbitre qui sont les forces naturelles, mais est de la grace de la promesse & de la verru du Saince Esprit: selon que dit Sain& lean que ceux qui ont creu en lesus Christine sont point nez de sang ny de la volonté de la chair & de la volonté de l'homme, mais.

Sur Flebr.ch.11. verf.11.12. 429 mais font nez de Dieu : l'ame donc en l'estat de sa corruption naturelle, quant à conceuoir le nouvel homme, est vne matrice amortie, comme celle de Sara à conceuoir Isaac : de laquelle œuure la louange est de Dieu & non des hommes. IIII. Que les peuples des Gentils, ayans esté faits participans de la foy d'Abraham, ont esté entés en la famille d'Abraham & sont deuenus ses enfans : tellement qu'en cela a esté tout à plein accomplie la promesse faicte à Abraham qu'il ne seroit pas seulement Abram c'est à dire,pere Grand, mais Abraha c'est à dire, pere de plusieurs peuples & natios: selon que l'Apostre Rom. 4. dit qu'Abraham n'est pas seulement pere de la circoncision, mais aussi de ceux qui fuiuent le train de la foy d'iceluy. V. Que Sara ayant esté mere d'Isaac qui nasquit selon la promesse & fut le feul heritier, & a pour cela esté oppofée à Agar laquelle engendroit des enfans à seruitude, a esté la figure de la Hierufalem nouuelle & celefte, c'est à dire de l'Eglise Chrestienne, laquelle par l'alliance de grace, qui donne vn esprit d'adoption, engendre des enfans heritiers & est la mere de nous tous: au lieu que la vieille Ierusalem, par le ministere de la Loy, ne donnoit qu'vn esprir de seruitude & n'engendroit que des serfs, selon que l'Apostre le represente Gal.4.

#### APPLICATION.

Yoila, mes freres, l'exposition & literale & mystique de nostre texte, recueillons-en maintenant encor quelque doctrine, & nous en faisons vne particuliere & sommaire application.

Premierement, Ce que l'Apostre a inis entre les exemples de la foy des peres, la foy de Sara, vous oblige de dire qu'il n'y a en Iesus Christ, ny masse ny femelle, mais la nouvelle creature; que Dieu ne regarde point le sexe, mais la pieté: & que contre la coulpe par laquelle la femme auoit induit Adam à peché, Dieu a eu soin de donner en tous aages à ce sexe des signalez tesmoi-

Secondement, En ce que l'Apostre nous propose pour exemple de foy

432 Serm. X. De la vertu de la Fov non simplement vne femme, mais vne semme mariée, remarqués premierement l'honneur du mariage : l'Escriture Saincte ayant eu soin d'y mettre & placer les exemples de foy & de vertus, à l'encontre du preiudice & du mespris que l'Esprit de Dieu preuoyoit qu'on en feroit és derniers temps. Et quant à ce que l'Apostre ayant parlé de la foy d'Abraham , à l'instant luy conioinet celle de Sara, dites que pour vn bon mariage, il faut qu'il y ait communion de foy entre le mary & la femme, & que c'est sur ce mariage que Dieu verse sa benediction. Et partant vous qui contractez auec des parties qui vous sont contraires en la foy, que faictes vous finon renoncer à l'exemple d'Abraham , & par confequent à la benediction que Dieu luy donna: vous croirez aux promesses de Dieu, & la personne qui vous est la plus conioincle vous y contrariera : & de-là vos enfans ne sçachans lequel suiure du pere ou de la mere, ne seront pas des Isaacs bien formez en la pieté, mais des prophanes & athées. Et quant à-ce

Sur Hebr.ch.11.verf.(1.12. 433

à ce que l'Apostre propose la Foy d'Abraham auant celle de Sara, c'est pour nous monstrer que le mary, estant le chef, doit estre le premier exemple de pieté en la famille; dont nous auons à dire auec grand regret, qu'il y en a plufieurs entre nous, qu'il ne seroit pas à propos que leurs femmes imitassent, & és maisons desquels tout ce qu'il y a de pieté & de vertu est deu à la femme; Gens qui sont non des Abrahams à Sara, mais des Nabals à Abigail. Et vous femmes lesquelles au lieu d'estre des aydes à la pieté de vos maris comme Sara, leur estes obstacles & empefchemens, comme celle de lob, apprenez icy vostre deuoir, & y voyez voftre condamnation, puis que vous n'estes pas ainsi que vous deuiez estre, filles de Sara en bien faisant. 1. Pier.3.

Quant à ce que l'Apostre dit, que par foy Sara receut vertu à conceuoir se-mence, apprenons que c'est Dieu qui edifie les familles selon qu'il luy plaist, & que les enfans sont vn don de Dieu, comme dit le Prophete Psalm. 127. Que si Dieu, ô peres & meres, vous donne

### 434 Serm. X. De la vertude la Foy

vos enfans, n'est il pas raisonnable que vous les luy confacriez, & les esleuiez en la crainte & discipline du Seigneur? item que vous les luy rendiez, comme fiens , lors qu'il luy plaist les retirerà foy? Car comme il pouuoit ne vous en point donner, il peut aussi vous les redemader. Et ce que la promesse d'Isaac fut faicte non seulement à Abraham, mais aussi à Sara, vous monstre deux choses, I'vne que les enfans ont vne obligation commune au pere & à la mere, & partant qu'ils ne les doiuet feparer en leurs deuoirs & leurs respects: & l'autre qu'il ne faut pas que le mary tire tout de son costé, comme si tous les aduantages luy appartenoient:mais doit se souvenir que Dieu, faisant égament ses promesses à Abraham & à Sara, a voulu rendre le mary & la femme communs en aduantages. Et sur ce que Sara obtint par Foy vertu à conceuoir seméce & enfanter hors d'aage, considerant que celuy qui luy auoit promis estoit fidele, apprenons, mes Freres, à estre fermes en la Foy, & à esleuer nos esprits par dessus les obsta-

cles

Sur Hebr.ch.11. verf.11.12. 435

cles des causes secondes, pour attendre de Dieu les biens qu'il nous a promis. Dieu, ô fidele, t'a promis qu'il ne te delaissera point & ne t'abandonnera point, aduient-il doncques que tes miseres & afflictions soyent telles qu'il semble que Dieu t'ait abandonné ? espere outre esperance comme Abraham & Sara : dy auec Iob , que quand Dieu te tueroit tu espereras en luy, pource qu'il n'y a contrarieté quelconque que sa fidelité ne surmonte. Car n'est-il pas interuenu par ferment Hebris. envers les heritiers de sa promesse, afin que par deux choses esquelles il est impossible que Dieu mente nous ayons ferme con-Solation, nous qui auons nostre refuge à obtenir l'esperance qui nous est propofee,

Opposons, mes Freres, cette fidelité de Dieu qui nous promet ses biens, aux promesses de Satan & du monde : Satan promet les Royaumes de la terre & leur gloire, c'est à dire les richesses, plaisirs & honneurs de la vie presente : Or outre que ce qu'il promet ne sont que des biens passagers

FEC 1

### 436 Serm. X. De la vertu de la Foy &perissables, il est infidele &trompeur.

Si la foy reçoit les biens de Dieu, apprenons, estans priuez des biens de Dieu, à en accoulper nostre incredulité : prenons nous-en à nous mefmes : car Dieu est tousiours prest de nous donner ses biens, mais nous manquons de nostre costé à la condition qu'il requeroit : la foy qui est destituée de bonnes œuures & de repentance n'est qu'vne securité charnelle : Mais aussi, fidelles, si vous combattez en vous vos deffauts & mettez peine à les furmonter, prenez courage, vous ramenteuans que la foy de Sara a esté agreée de Dieu nonobstant son infirmité. Certes il n'y a en nous nulle vertu & œuure de l'esprit sans quelque contradiction de la chair, & si quelqu'vn se dit n'auoir aucune crainte ny doubte, j'ay bien peur que son asseurance ne soit vne securité charnelle, & qu'il foit plustost tout chair, que tout efprit. Mais quant à vous qui sentez vos desfauts & en gemissez, sçachez que si par l'esprit vous combattez la chair & mortifiez les faicts du corps , Dieu

vous

# Sur Hebr.ch.11.vers.11 12. 437

Si Sara par foy conceut Isaac, confidere, ô ame Chrestienne, que Dieu t'appelle à conceuoir par foy son fils, son nouuel homme: Que la foy te retire des ordures du vice & du peché, qu'elle te fasse contempler les Cieux, & la beauté de la face de Dieu en Issus Christ, & tu deuiendras, de sterile que tu estois, fertile en bonnes œuures & fruicts de l'esprit, pieré, charité, debonnaireté.

Appliquez-vous donc à diuers efgards ces paroles de l'Apostre, que d'vn seul amorty sont nez des gens en multitude comme le sablon de la mer. Es-tu Chrestien en ta condition ciui-le & en tes affaires, comme amorty par maux & aduersitez, pren courage en Dieu qui viuisse les choses mortes & qui donne prosperité & auancement aux choses amorties en leur commencement. Es-tu en langueur de maladie, ou en danger de mort, ayes en ton esprit cette mesme vertu de Dieu donnant vie au corps amorty.

Ec 3

### 438 Serm. X. De la vertu de la Foy

Et si nous voyons l'Eglise de Dieu estre par la haine du monde comme chose morte, & estre par Croix & tribulations reduite à si petit nombre, qu'elle ne soit en aucune consideration, vous auez le Seigneur luy-mesme consolant son peuple par l'argument qui est contenu en nostre texte; à scauoir en Esaye 51. Escoutez moy, din-il, vaus qui suluer infice & qui cerchez l'Eternel, regardez au rocher duquel vous auez esté taillez & au creux de la cisterne dont vous auex esté tirez: Regardez à Abraham vostre Pere, & à Saraqui vous a enfantez, comme ie l'ay appellé luy tout seul & l'ay beny & multiplié: pour certain l'Eternel consolera Sion , & consolera toutes ses desolations, rondra son desert semblable à Eden & ses landes en Ierdin de l'Eternel. Oui, l'Eglife qui ost auiourd'huy vn corps amorty a promesso d'une vie d'entre des morts, par laquelle elle aura la plenitude desgentils & des Iuifs. Et yous mondains ne vous glorifiez pas de l'anoir amortie, il faut qu'elle soit vn jour viuisiée:&zcomme és siecles passez Dieu des cendres des

Sur Hebr.ch.11. vers.11 12.

des Martys a fait la semence de son Eglise, il faut que l'amortissement pre-

sent de l'Eglise, & de ses souffrances, preuienne finalement sa vie & sa gloire. Tes morts viuront , luy dit l'Eternel, en Efa. 26. voire tes corps morts fereleveront, requeillez vous & vous refionifsez auec chant de triomphe, vous habitans de la poussière : car tarosée est comme la rosée des herbes, & la terre iettera hors ses trepassez, Va mon peuple, entre en tes cabinets, & ferme ton huis sur toy, cache toy pour un bien petit moment , iufqu'à ce que l'inondation soit passée. Car l'Eternel s'en va fortir de son lieu pour visiter l'iniquité des habitans de la terre commise contre luy , & lors la terre descountira le sang qu'elle a receu , & no couurira plus les massacrez.

Finalement appliquons, mes Freres, à l'estat de nos ames & de nos corps cette promesse & vertu de Dieu, aceluy de nos ames, entant que comme dit l'Apostre Eph. 2. lors que nous estions morts en nos fautes & pechez Dieu nous a viuifiez & refluscitez ensemble auec Iesus Christ, & sçachons

### 440 Serm. X.De lavertu de la Poy que nous auons à trauailler à cét œuure par foy & repentance; que chasque jour, par le renoncement à nous mesmes, nous auons à quitter quelque chose de la mort des pechez, en laquelle nous estions, jusqu'à-ce que nous obtenions au Ciel la plenitude de vie. Et quant à l'estre de nos corps, Premierement en ce que, si cet homme exterieur se deschet par maladies ou vieillesse, l'homme interieur est renouuelé de jour en jour, nostre ame chant participante d'vne vie qui surmonte la mort des corps. Secondement, entant que Dieu vn jour viuifiera la poudre & la cendre de nos corps, pour nous faire viure & regner

auec luy eternellement. Ainsi soit-il.

SER-